

ՎԵՐԱՊԱՏՐԱՍՏՈՂ ԿԱԶՄԱԿԵՐՊՈՒԹՅՈՒՆ  
ՇԻՐԱԿԻ ՈՒՍՈՒՑԻՉՆԵՐԻ ՄԻՈՒԹՅՈՒՆ ԳԻՏԱԿՐԹԱԿԱՆ  
ԿԵՆՏՐՈՆ ՀԿ/

ԹԵՄԱ՝ ՍՈՎՈՐՈՂՆԵՐԻ ՄԵՋ ԱՐԺԵՔԱՅԻՆ  
ՀԱՄԱԿԱՐԳԻ ՁԵՎԱՎՈՐՈՒՄԸ ՊԱՏՄՈՒԹՅՈՒՆ  
ԱՌԱՐԿԱՅԻ ԴԱՍԱՎԱՆԴՄԱՆ ԸՆԹԱՑՔՈՒՄ

Հետազոտող ուսուցիչ՝ Գոհար Պետրոսյան  
< ՀՀ Շիրակի մարզ Մուսայելյանի Ռ.Առաքելյանի անվան միջնակարգ > ԴՊՐՈՑ  
ՊՈԱԿ

Մենթոր ուսուցիչ՝  
ԿԱՐԻՆԵ ԱԼԵՔՍԱՆՅԱՆ

## ԲՈՎԱՆԴԱԿՈՒԹՅՈՒՆ

### ՆԵՐԱԾՈՒԹՅՈՒՆ

ԳԼՈՒԽ 1. «Ցեղակրոնությունը որպես թյուրնրոնված  
գաղափարախուսություն և որպես ազգային արժեքի ձևավորում  
դասավանդման ընթացքում»

ԳԼՈՒԽ 2. Արժեհամակարգի ձևավորումը դասավանդման ընթացքում

### ԱՄՓՈՓՈՒՄ

ԳՐԱԿԱՆՈՒԹՅԱՆ ՑԱՆԿ

## ՆԵՐԱԾՈՒԹՅՈՒՆ

**Խնդիրները`** արժեհամակարգի բացակայությունը, բարոյական բնութագրի բացակայությունը որոշ դեպքերում, փոխազդեցությունների և շձումների արդյունքում ազգային դիմագիծը կորցնելու վտանգը, հակահայկանությունը, պարտվողի հոգեբանությունը, հայրենասիրության և ազգասիրության նվազումը:

**Նպատակը`** ազգային միասնության գաղափարի ձևավորումը, ազգասիրության, լեզվի, մշակույթի, պատմական հիշողության, պատմական մտածողության, կրոնի գաղափարի ձևավորումը: Ժամանակակից երևույթների հետ շփումը ենթադրում է հարմարեցում, բայց դա չի խանգարում պահպանել յուրահատկությունն և ինքնատիպությունը, որով և ազգը առանձնանում է մյուսներից այնպես, ինչպես անհատը: Արժեհամակարգում կարևոր տեղ են զբաղեցնում հայրենասիրությունը և ազգասիրությունը: Առանց հայրենասիրության չկա հայրենիք: Այս երկու արժեքների պահպանումն ու կիրառումն է ապահովում ազգի հետագա ընթացքը:

Հայրենիքը գոյատևում է հայրենասիրությամբ, և կործանվում է դրա պակասից:

Օտար ուժերը իրենց թիրախ հանդիսացող ազգին խփում են հենց ազգային արժեքներից, ջանում ջրիկացնել, լուծել օտար տարրերում:

Մեր օրերում բավական հաճախ կարելի է լսել Ազգային արժեք գաղափարախոսություն արտահայտությունը, որն օգտագործվում է թե գիտական շրջանակներում, թե հասարակական միջավայրում: Այն ավելին է քան սոսկ բառակապակցությունը, հոգևոր-մշակութային արժեքը: Հայ ազգային գաղափարախոսությունը հին է այնքան, որքան որ հայ ժողովուրդը: Հայ ժողովուրդը կատարյալ կերպով, դարերի ընթացքում մշակեց և լրացրեց իր գաղափարախոսությունը: Նրա մշակման գործում խոշոր, առանցքային դեր են խաղացել երեք անհատներ` Մ.Խորենացին, Ն.Ադոնցը և Գ.Նժդեհը: ՈՎ Է Գ.ՆժԴԵՀԸ: Արդյոք կա Գ.Նժդեհի կերպարը գերմանական, անգլական, ռուսական պատմագրությունում: Օրինակ` Գ.Նժդեհը գերմանացու Նիշցեն է, Բիսմարկն է,

անգլացու՝ Քեմբելդենն է կամ Նելսոնը, ռուսների համար Սուվորովը: Նժդեհը քաղաքական մտքի, ռազմական ոգու և Աստվածային ճշմարտության միակ և բացարձակ միավորումն է: Գ.Նժդեհը հայ ժողովրդին տվեց նոր վարքագիծ՝ նա մերժեց 600տ կամ 1000տարի առաջ գոյություն ունեցող այն հետևյալ վարքագիծը՝ աշխատանք-ընտանիք- եկեղեցի և առաջ քաշեց նոր ցեղ-հայրենիք- Արարիչ վարքագիծը և այս մոդելը բարձրացրեց քաղաքակրթական նոր մակարդակի: Այս մոդելը պետք է դառնա առաջնային արժեք յուրաքանչյուր հայի համար և ապահովի հայի գոյությունը աշխարհաքաղաքական այս նոր փոթորկի մեջ:

**ԳԼՈՒԽ 1. «Ցեղակրոնությունը որպես թյուրմեթոդ  
գաղափարախուսություն և որպես ազգային արժեքի ձևավորում  
դասավանդման ընթացքում»**

Հայոց պատմության ակեռուփ օվկիանում, մեր նվիրական հերոսների շարքում, իբրև գաղափարական և կազմակերպական առաջնորդ վեր է հառնում Գարեգին Նժդեհի կերպարը: Նժդեհը (1886-1955) մեր պատմության այն եզակի դեմքերից է, որի մեջ ներդաշնակորեն միաձուլվում են զինվորականն և մտածողը, ազգային բարոյախոսն ու քաղաքական գործիչը և որն իր ` հիրավի պատմաստեղծ կյանքով , հաստատաբար դասվում է հայոց առաջնագույն մեծերի շարքը

Նժդեհը( Գարեգին Տեր-Հարությունյան) ծնվել է 1886թ-ի հունվարի 1-ին Նախիջևանի գավառի Կզնութ գյուղում:Մանուկ հասակում կորցրել է հորը( հայրը` Եղիշը, գյուղի քահանան էր) և մնացել է մոր` Տիրուհու խնամքին : Ընտանիքում եղել են 4 երեխա, ինքը փոքր է : Սկզբնական կրթություն ստացել է Նախիջևան քաղաքի ռուսական դպրոցում, ապա` Թիֆլիսի ռուսական գիմնազիայում, որտեղ սովորելու ընթացքում էլ , 17 տարեկան հասակից, միացել է հայ ազատագրական շարժմանը: Այնուհետև անցել է Պետերբուրգ և 2 տարի տեղի համալսարանի իրավաբանական բաժնում սովորելով` լքել է համալսարանը և ամբողջովին նվիրվել հայ հեղափոխության գործին` ցարիզմի ու սուլթանականության դեմ:

1907-1908թթ-ին մտնում է Հ.Յ.Դ. շարքերը և իբրև կուսակցական նշանավոր գործիչ Սամսոն Թադևոսյանի օգնական, մասնակցություն բերում պարսկական հեղափոխական շարժմանը: Ջենք և ռազմամթերք տեղափոխելու համար, Նժդեհը 1909-ին վերադառնում է Կովկաս և ձերբակալվում ցարական իշխանության կողմից: Երբ 1912թ-ին սկսվեց Բալկանյան առաջին պատերազմը , հայերը Թուրքիայի դեմ կռվելու համար բուլղարական բանակի կողքին ստեղծեցին կամավորական վաշտ, որի ղեկավարները եղան Նժդեհն ու Անդրանիկը: Ընթացքում վաշտը աչքի ընկավ մի շարք հաղթական կռիվներ ով և 1913-ին գորացրվեց` հրաժարվելով մասնակցել բալկանյան ժողովուրդների ներքին ` թուրքանպաստ պատերազմին:

1918-ի մայիսին վճռվում էր հայոց ճակատագիրը: Ալեքսանդրապոլում կռվի բռնվելով թուրքական զորքերի դեմ , Նժդեհը իր խմբով նահանջում է Ղարաքիլիսա: Այստեղ էին նահանջել բազմահազար հայ փախստականներ: Ահա այս օրհասական պահին, երբ տիրում էր համատարած հուսալքում, լսվում է Նժդեհի ռազմաշունչ, ամենափրկիչ ձայնը. եկեղեցու բակում նրա արտասանած ճառը հոգեփոխեց հուսալքված, բայց ոգեշունչ խոսքի կարոտ

հայերին և նրանց առաջնորդեց դեպի սրբազան ճակատամարտ: «Դեպի՛ ճակատ, այնտեղ է մեր փրկությունը,- կհնչեր Նժդեհի հուժկու, վճռական և ինքնավստահ ձայնը»: Ղարաքիլիսայի եռօրյա հերոսականով հայությունը հաստատեց իր հարատևելու կամքը, և այդ հավաքական կամքի զորացման գործում, անշուշտ, անուրանալի է Նժդեհի դերը: Ղարաքիլիսայում վարած կռիվների համար Նժդեհը արժանացել է ամենաբարձր քաջության շքանշանի:

Առանց դրսի օժանդակության, ապավինած հայրենի լեռներին ու սեփական ուժի զորությամբ, Սյունիքի հայությունը, Նժդեհի ղեկավարությամբ, վարեց իր հաղթական դյուցազնամարտը: Լեռնահայության դիմումներին որևէ կերպ օգնելու, ՀՀ կառավարությունը, բացի մեկումեջ արվող քաջալերաքի ու համակրանքի խոսքերից, ոչ մի կերպ չարձագանքեց: Այդ ծանր օրերին էր , որ Նժդեհը գործի դրեց Դավիթբեկյան Ուխտերը, որոնց նշանաբանն էր «Հանուն հայրենիքի՝ Դավիթ Բեկաբար»: Դավիթբեկյան Ուխտերի օրինակով էր, որ Նժդեհը հետագայում հիմնադրեց \*Ցեղակրոն\* \*Ուխտերը\*: Սակայն պայքարը երկար շարունակվել չէր կարող , քանի որ մի կողմից՝ Վրաստանի ու Հայաստանի բոլշևիկացումը, նահանջող մտավորականության և երիտասարդության վաղաժամ անցնելը Պարսկաստան բարոյալքիչ ու հոռի ազդեցություն ունեցավ լեռնահայությանը վրա , մյուս կողմից էլ հացահատիկի չգոյությունը , վարչական ու զինվորական մարմինների միջև առաջ եկած տարաձայնությունները խթան հանդիսացան , որ 1921թ հուլիսին Լեռնահայաստանում, որը ամբողջ Անդրկովկասում միակ շրջանն էր, որտեղ չէր հաստատվել խորհրդային կարգեր , խորհրդայնացվի:

Թողնելով Ջանգեզուրը՝ Նժդեհը հրաժեշտից առաջ հավաստիացրեց, որ ինքը ընդմիշտ չի հեռանում և պիտի վերադառնա , եթե Երևանի փոխարեն Բաքուն լինի Սյունիք ոտք դնողը :

Հայաստանի Հեղկոմին ուղղած իր դիմումը սպարապետն ավարտում էր սաստող տողերով «Դուք գիտեք, որ ցանկության դեպքում ես միշտ էլ հնարավորություն կունենամ մի քանի տասնյակ զինվորներով վերագրավել Լեռնահայաստանը: Որպեսզի այս երկրի աշխատավորներ գյուղացիությունը ստիպված չլինի մեկ էլ ինձ օգնության կանչելու , աշխատեք բավարարել հայ գյուղացիության և նրա մտավորականության արդար պահանջը»:

Այսպիսով՝ 1921-ի հուլիսից Նժդեհը արդեն Թավրիզում էր: Այս ընթացքում սրված էին հարաբերությունները Նժդեհի և Հ.Յ.Դ. բյուրոյի հետ , հետագա տարիների լարվածությունն էլ հանգեցրեց նրան , որ 1938թ-ին Հ.Յ.Դ. 13-րդ Ընդհանուր ժողովը Նժդեհին կուսակցության շարքերից արտաքսելու վճիռ ընդունեց ` «պառակտող գործունեության » որակումով:

Կուսակցությունից հեռանալուց հետո , Նժդեհը Հայկ Ասատրյանի հետ շարունակում է Ցեղակրոն կազմակերպությունների ընդլայնումը :

Շուտով պայթում է 2րդ աշխարհամարտը, և Նժդեհը առաջնորդվելով «գերմանական գայլին կուշտ պահելու և հայ գառնուկին փրկելու » քաղաքական սկզբունքով՝ համագործակցում է նացիստների հետ : Նրա համագործակցությունը նացիստների հետ նախ և առաջ եղել է

Ա) գաղթաշխարհի հայությանը գերմանական սպառնալիքից փրկելու մտահոգությամբ,

Բ) հակաթուրքական հողի վրա:

1944թ-ին «Սմերշ» (ռուսերեն смерть шпионам բառի հապավումն է ) բանակային հակահետախուզական վարչության կողմից ձերբակալվում է : 1948-ին Նժդեհը Երևանում դատապարտվում է 25 տարվա բանտարկության :

1955թ-ի դեկտեմբերի 21-ին Նժդեհը մահանում է Վլադիմիրի բանտում :

Ստանալով մահվան լուրը՝ եղբայրը՝ Լևոն Տեր-Հարությունյանը շտապ մեկնում է Վլադիմիր: Նրան հանձնում են եղբոր զգեստն ու ժամացույցը, իսկ ձեռագրերը՝ ոչ: Թույլ չի տրվում նաև մարմինը տեղափոխել Հայաստան:

1983թ-ին Նժդեհի աճյունը Վլադիմիրից տեղափոխվում է Երևան : Աճյունից մի նշխարի ամփոփվում է Խուստուփ լեռան լանջին՝ Կոզնի կոչված աղբյուրի մոտ, իսկ հիմնական աճյունը, ցինկի արկղի մեջ մի քանի տարի պահելուց հետո, 1987թ-ին հանգրվանում է Գլաձորի Սպիտակավոր վանքի բակում :

Իր մահից տասնամյակներ անց միայն՝ 1992-ին, Նժդեհը արդարացվեց, ինչի կարիքը երբևէ չունեի: Ցեղակրոն շարժման գաղափարաբանությունը Ցեղակրոնությունն է: Անշուշտ, Ցեղակրոնությունը գաղափարական դատարկության վրա չէր ստեղծվում: Դրան նախորդել էին Ալիշանի, Բաֆֆու, Պատկանյանի, Վարուժանի և այլոց ցեղային գաղափարները: Սակայն նրանք ստեղծել էին լոկ ցեղային գաղափարներ, բայց ոչ՝ գաղափարախոսություն: Նժդեհին էր վիճակված, խտացնելով ու ամփոփելով իր մեջ մինչ այդ եղած Հայ ցեղային միտքը, համակարգելով ու ամբողջացնելով այն, հիմք դնել հայկականորեն հիմնավորված՝ Հայի էության և բարոյականի վրա կառուցված մի ուսմունքի , որը կոչվեց Ցեղակրոնություն: Ըստ Նժդեհի Ցեղակրոնությունը առաջին հերթին Հայ ծնված լինելու գիտակցումն ու հպարտությունն է ,այդ ծնունդին անմնացորդ նվիրվելու և ցմահ հավատարիմ մնալու ուխտը :

Ցեղակրոնությունը ազգի առանցքն է, այլ կերպ ասած հիմքը, որի շուրջը հավաքվում է մնացած ազգային գաղափարախոսությունները: Յուրաքանչյուր հայ , ով ըմբռնում է ցեղակրոն գաղափարը, նա ամբողջովին իր մեջ կրում է ազգային արժեհամակարգը: Սա սեփական ազգի արժանապատվության և ինքնաճանաչման միակ ճիշտ ճանապարհն է ,ուստի օր առաջ պետք է վերադառնանք այս գաղափարին: Տվյալ դեպքում Նժդեհը ավելի քան կատարյալ անվանում էր ստեղծել Ցեղը կրելու առաքելություն՝ ցեղը և ցեղի արժեքները , նրա ազգային որակները , բարոյականը, հոգեբանականը:

Ցեղակրոնիզմը այդ ժամանակներում որոշ քաղաքական ուժեր փորձեցին վարկաբեկել՝ զուգահեռներ անցկացնելով ֆաշիզմի հետ: Բայց Նժդեհը



չափազանց մեղմ կերպով հակադարձեց , որ ֆաշիզմ կոչվածը 30-ականների, հիվանդ հոգեբանությամբ օժտված քաղաքական-հասարակական գործիչների ստեղծածն է: Ֆաշիզմի հետևորդները փորձում էին ոտնահարել այլոց արժանապատվությունը: *«Հիտլերը իր անստույգ բնորոշմամբ Արիական ցեղը համարում է միակ մշակութաստեղծ ռասան, իսկ մնացած ազգերին ` ստորադաս տեսակներ»<sup>3</sup>* : Փաստորեն ֆաշիստները այլոց ազգայինը ոտնահարելով էին գերադասում իրենց ազգայինը:

Մինչդեռ ցեղակրոնիզմը դա ընդամենը սեփական ազգի արժանապատվության գիտակցումն է , առանց որևէ ազգի նվաստացնելու:

«Հիտլերը, այսպես կոչված «կենսական տարածքների» անհրաժեշտությամբ փորձում էր հիմնավորել ծավալապաշտությունը ,որը անբնականորեն դուրս էր գալիս հայրենիքի սահմաններից :

Նժդեհը խնդիր է դնում մեր բու՛ն հայրենիքի ` Հայկական բարձրավանդակի վերատիրումը: Միայն թե Նժդեհի և Հիտլերի գաղափարախոսությունների միակ նմանությունը սոսկ այն է , որ երկու դեպքում էլ իբրև գերակա արժեք հռչակված է ցեղը, ինչը բնորոշ է ցանկացած ազգապաշտական կամ ցեղապաշտական ուսմունքի»: Բացի դրանից Ցեղակրոնությունը որոշ հոգևորականների ու հասարակական քաղաքական գործիչների կողմից, որոնց կարելի է տալ հակազգային գործիչներ անվանումը ,եկան այն համոզմանը, որ դա ինչ-որ հակակրոնական բնույթ ունի: Սա ոչ այլ ինչ է քան տերմինի ոչ ճիշտ ըմբռնում , ըստ այդ անձանց ցեղը չի կարող կրոն լինել առանց իսկ ըմբռնելու, որ կրոն դա կրել իմաստն է արտահայտում : Ցեղակրոնությունը կրոն չէ: Այն գերազանցապես աշխարհիկ ուսմունք է, իսկ եթե կրոն է, ապա դա կրոնն է ցեղային հպարտության, ուժի և արիության ...»: «Նժդեհը հին հավատքին վերադառնալու կոչ չի անում , քանզի հասկանում է դրա միամտությունն ու հնարավոր վտանգավոր հետևանքները: Այնուհանդերձ, նա չի թաքցնում իր համակրանքը դեպի հայոց հին կրոնն և մեր հեթանոս անցյալը: Լսենք իրեն.«Այս կամ այն ցեղը մոտավոր ճշտությամբ դիմագծելու համար, նրան պիտի դիտել իր հոգու հայելիի` իր կրոնի մեջ...»: Նա հիացմունքով է խոսում նախաքրիստոնեական հայու անգերազանցելի

մարդկության և բարձրորեն ասպետական ոգու մասին»: Ահա ևս մի անհիմն վարկաբեկում. ըստ որոշների Նժդեհը, ուսմունքի անունը դնելով Ցեղակրոնություն, հայերին տվեց նախամարդուն բնորոշ հատկանիշներ, քանի որ միայն նախնադարյան հասարակությանն էր բնորոշ ցեղ տերմինը : Սա ոչ այլ ինչ է քան տգիտության վառ դրսևորում: Նախ լսենք Նժդեհի խոսքերը....«Գիտե՛նք, հասարակագիտական այդ պարզ ճշմարտությունը, սակայն անկարելիության աստիճան դժար է, բառերով «ի՞նչ է ցեղը» հարցի սիրտը շոշափել:

Մարդաբանութեան ցարդ գրած սահմանումներից և ո՛չ մեկն էլ ընդունելի ինձ համար: «Ցեղ» հասկացողությունը սահմանելու համար, բաւական չեն հին եզրերը(տերմին): Նրանցով չի կարելի սպառել ցեղի ողջ տարողությունը:

Ցեղը՝ դիմագծորեն ազգայինն է, ա՛յն տիպարականը, որով ժողովուրդները տարբերվում են իրարից: Ըստ մեզ-ասենք առանց տեսական խորացումների՝ ցեղն աւելի հոգի է , քան կա»:

Փաստորեն ցեղային գործոնն ավելի բարդ իրողություն է, քան ենթադրում ենք և այս պարագայում յուրաքանչյուրիս կողմից դժվար է դա սահմանել գիտական լեզվով: Կարծում եմ այսքանից հետո հիմնական թերմբոնումները և անհիմն դատափետումները կվերանան: Հիմնական գաղափար կկազմենք շարժման մասին , քանզի Ցեղակրոն ուսմունքը կարող է վարկաբեկել միայն նա , ով թեկուզ չնչին տեղեկույթ չունի ուսմունքի մասին: Այսքանից հետո հարկ է նշել նաև, որ այդ ժամանակներում վարկաբեկման հիմնական պատճառներից էր նաև նախանձախնդրությունը, քանզի այն ազգանվեր և դժվարին աշխատանքը, որը կատարում էին Ցեղակրոնները, դա չէին կարողանում կատարել մի շարք ազգային կուսակցություններ, կազմակերպություններ և հենց վերջիններիս կողմից էլ արժանանում էին քննադատման:

Ցեղակրոն շարժումը ստեղծվեց 1930 ական թվականներին Ամերիկայում:Բայց որպես այնպիսին ձևավորվել է ձևավորվել է հայրենի հողի վրա 1919-21 թվականների Սյունիքի մարտերի ժամանակ: Այժմ մանրմասնորեն. գիտական հոգեբանությունը վաղուց է ապացուցել, որ մեծ աղետներ տեսած, արհավիրքների ենթարկված ժողովուրդները տառապում են հոգեկան հետընթացով: Դա

արտահայտվում է պարտվողականության տարբեր դրսևորումների ձևով: Նախ և առաջ նրան պատում է թերարժեքության տանջալի զգացումով, որի պատճառով դառնում է վատատես , մշակույթի առումով անստեղծագործ, իսկ հոգեպես ` անձնապաշտ, փոքրիկ: Նրան սկսում է հետապնդել սոսկ մի նպատակ- օրեկան հացի ու հանգստի ապահովում: Այսպիսով այս ամենը հանգեցնում է կործանման բառի լայն ու խորը իմաստով:Նա այլևս անընդունակ է պայքարի և սկսում է քարշ տալ իր անիմաստ ու անստեղծ գոյությունը` հարուցելով իր հանդեպ ազգերի զգվանքն ու խղճահարությունը: Հնարավոր է փոքր -ինչ զարմանալի թվա ,բայց այս ամենի հետևանքն էր նաև հայկական գաղթօջախներում բազմաբնույթ և անհեթեթ աղանդների առաջացումը :Այժմ աղանդներից մի քանիսը . «Ռուհչիներ» , որոնք իրենց հոգու փրկության համար քարոզում էին հրաժարվել ազգային- հասարակական կյանքից, «անդենականներ», որոնք հայերի երկրային կյանքը համարելով անիրական` հորդորում էին նվիրվել երկնային հայրենիքին, «վերամկրտչականներ»` նույնքան ապազգային, հակահասարական , հիվանդագին: Փաստորեն նրանք, տրվելով կույր պարտվողականության, իրենց այս անգիտակից քայլերով, սկսել էին ջուր լցնել հայ ժողովրդի թշնամիների ջրաղացին: Մի խոսքով,այսպիսի աղետալի վիճակ էր տիրում հայ գաղթօջախներում ի ուրախություն թուրքերի :

Ահա այս պարզ պատճառով Նժդեհը ապրում էր խորը ողբերգություն, և ի ուրախություն համայն հայության նրա տասնամյակների մտորումներն ու ուսումնասիրություններն հանգեցրին այն ճշմարտությանը, որ պարտվողականությամբ տառապող ժողովուրդները անբուժելի չեն, այսինքն հնարավոր է նրանց դարձի բերել : Իսկ դա կարող է լինել միայն սեփական ազգային արժեքները վերապրելու եղանակով : Մեկնելով այս վերլուծությունից Նժդեհը հայրենասեր-գաղափարապաշտի խորին մտահոգությամբ ձեռնարկում է սփյուռքահայության վերադաստիարակումը:

Քանի որ գաղութահայության ամենամեծ զանգվածը ապրում էր ԱՄՆ-ում , բացի դրանից մյուս միջավայրների համեմատ ամերիկյանում առավել մեծ էր ձուլվելու հավանականությունը, այդ պատճառով Յեղակրոն շարժումը ձևավորվեց

Ամերիկայում : Այսպես իրենց գործունեությունը տարածեցին Յեղակրոնները: Նրանք սփյուռքում իրենց վրա վերցրին անզլախոս դարձած հայերի մեջ ազգային ինքնությունը սերմանելու, հայոց լեզուն սովորեցնելու մի խոսքով ձուլման վտանգից հետ պահելու և դարձի բերելու դժվարին և առաջատար գործը:

Ինչպես նշում է Նժդեհի Յեղակրոն շարժման առաջացումը պայմանավորված էր մի շարք կարևոր դրոշմապատճառներով ևս :Թուրքերը՝ բարբարոս, բայց արթուն քաղաքական բնագոյով օժտված մի ազգ, փորձեցին մեզ ոչնչացնել նաև բարոյապես: Վերջիններս Եվրոպայում հակահայ քարոզչություն սկսեցին: Հիմնական նպատակն էր Թուրքիայում կատարված ցեղասպանությունն արդարացնել կամ ծայրահեղ դեպքում , հասկանալի դարձնել: Ինչի արդյունքը եղավ այն, որ եվրոպական ամբիոններից հաճախ հայտարարվում էր հետևյալը. «Իրենց անարգ բնավորության պատճառով հայերը դարձան թուրքերի նողկանքի, այլ ոչ թշնամության գոհերը»: Դա կատարում էին թուրքական դեսպանություններ ու հյուպատոսություններն՝ իրենց ռազմական, առևտրական ու մամուլի կցորդների հետ: Այս քարոզչությամբ հատկապես աչքի է ընկնում գրող Խալիդե համը, Վեհիբ փաշան և ԱՄՆ-ում թուրքական դեսպան Մուխտար բեյը: Փաստորեն քարոզչությունը անհետևանք չանցավ . որոշ երկրներում խթանեց հակահայկականությանը: Նման իրավիճակում Յեղակրոն Ուխտերը ձեռնամուխ եղան հակաթուրքական քարոզչությանը՝ ի պաշտպանություն մեր անարգվող Յեղի: Նրանք հավաքեցին տարբեր փիլիսոփաների, մարդաբանների, աշխարհագետների արտահայտած կարծիքներ հայերի ու թուրքերի մասին և ներկայացրին ամերիկյան ու կանադական ժողովուրդների դատին:Կար Յեղակրոն շարժման ևս մի կարևորագույն հանգամանք.Մեր հին կուսակցությունները սկսել էին մոռացության տալ Հայկական հարցն ու համակերպվել այն մտքի հետ , որ պետք է հրաժարվել Թուրքիային անցած հայկական տարածքներից: Յեղակրոն շարժումը կոչված էր հայությանը տեր դարձնելու Թուրքիայից ունեցած տարածքային պահանջներին: Յեղակրոնները, ի հակակշիռ հին սերնդի, շարունակում են մնալ Թուրքիայի պարտատերը: Նժդեհի ցեղապաշտ ուսմունքը մոտավորապես ունի մեկդարյա վաղեմություն( Ուսմունքը ձևավորվել է հայրենի

հողի վրա, Զանգեզուրյան ինքնապաշտպանական մարտերի ժամանակ , իսկ որպես այդպիսին լայն տարածում է գտել 1930-ականներին Ամերիկայում )։ Այն ընդունելով իբրև հաղթանակի գորույթ և ազգային-բարոյական արժեքների համախմբման տարբերակ՝ աներկբայորեն ուսմունքը համարում ենք ազգային գաղափարախոսություն։ Գաղափարախոսություն, որը կարող է ազգին համախմբել, վերադաստիարակել, ազգայինը կորցնելու վտանգից զերծ պահել։ Մինևույն ժամանակ անհրաժեշտ է վերլուծել՝ հասկանալու համար, թե որքանով է ուսմունքը արդիական 21-րդ դարի հայ **երիտասարդության** շրջանում և որքանով է ուսմունքի չափանիշները համապատասխանում ներկա մտածողությանը : *Ինչու՞ շեշտս դրեցի երիտասարդությունն բառի վրա:* Այն պարզ պատճառով, որ երիտասարդության մեջ պետք է փնտրել փրկությունը այն երիտասարդության որոնց ճնշող մեծամասնությունը մեր օրերում եվրոպամետ է. հեշտությամբ ընդունում է այլազգիների մշակութային տարրերը, կենցաղը, վարք ու բարքը : Միաժամանակ ազգայինը (կենցաղ, մշակույթ, երգուպար, ծեսեր, տոներ, ադաթներ և այլն ) համարում է որոշ չափով հետամնաց։ Վերջին մի քանի տարիների ընթացքում երիտասարդության մեջ մի փոքր դրական շարժ է նկատվում : Սերնդից մի փոքր զանգված անցում է կատարում դեպի ազգային-ավանդականը։ Հետևաբար՝ երիտասարդ սերնդից է կախված կլինի՞ Հայաստան, թե՞ չի լինի։Իսկ երիտասարդությանը համախմբելու և ազգային արժեքներով վերադաստիարակելու ուղենիշը Նժդեհյան գաղափարախոսությունն է , որտեղ Ցեղը իր նյութական ու վերացական կողմերով գերագույն սրբություն է համարվում և իր մեջ կրում է ազգի հոգևոր արժեքները, հզորությունը և կամքը։ Իսկ ինչ մնում է արդիական լինելուն, ապա ցանկացած ժամանակում և ցանկացած դեպքում ազգայինը յուրաքանչյուր ազգի համար պետք է արդիական լինի։

Խոսել Նժդեհի և Ցեղակրոնության մասին և չանդրադառնալ իր հավատարիմ ընկերոջն՝ Հայկ Ասատրյանին և Տարոնականությանը՝ կարծում եմ անկարելի է : Ցեղակրոնությունից սկիզբ առավ մեկ այլ գաղափարախոսություն, որը կարելի է անվանել վերջինիս շարունակությունը։Երկու գաղափարախոսությունների աշխարհայեցողության հիմքում էլ ընկած է Ցեղն իր ամբողջական

ընկալմամբ: Տարոնականությունը ցեղի մարմնական ու հոգեկան հատկանիշների (արյան ու ոգու) փոխադարձ ազդեցությունն ընդունում է որպես բնածին ճշմարտություն: Տարոնական շարժումը հիմնադրվել է 1937-1938 թվականներին Գարեգին Նժդեհի, Հայկ Ասատրյանի, Ներսես Աստվածատուրյանի և նրանց գաղափարակիցների կողմից: Հայ հեղափոխական դաշնակցությունից նրանց հեռացումով Ցեղակրոնության գաղափարակիրների շարքերում սկսվեցին որոշակի տարաձայնություններ: Ամերիկայի Միացյալ Նահանգների Ցեղակրոն Ուխտերը, այլևս չէին ընկալվում որպես համահայկական կառույցի հիմք: Այս և նմանատիպ տարաձայնությունների պատճառով անհրաժեշտություն կար ստեղծել համահայկական նոր շարժում:

*Տարոնական ոգու առաջնորդները սահմանում են այն հատկանիշները, որոնք պարտադիր են Ցեղի անունից հանդես եկող հայ անհատների ու կազմակերպությունների համար.*

*ա) Ցեղի ու Հայրենիքի համար մեռնելու բացարձակ կամք*

*բ) Ցեղային հավիտենականի խոր զգացում*

*գ) Ներցեղային բարոյական*

*դ) Հաղթական ոգի*

*ե) Պատմական ճակատագրի խոր ճանաչողություն*

*զ) Հայրերի գործի ու նպատակի հաղորդություն*

*է) Հայրենագրացություն*

*ը) Օտարությունը որպես գերագույն դժբախտություն ապրելու առաքիլություն*

*թ) Մեծագործության կամք ու բարոյական <sup>12</sup>*

Գաղափարախոսության հիմնադիրներն այն անվանել են Պատմական Հայաստանի Տարոն գավառի անվամբ: Այդպիսի անվանադրման համար նրանք ներկայացրել են մի քանի պատճառ: Դրանք են՝ այնտեղ է եղել հեթանոսական Հայաստանի հոգևոր կենտրոնը,

- այնտեղ է ստեղծվել Սասնա Ծռեր դյուցազնավեպը,
- այնտեղ են ծնվել Մեսրոպ Մաշտոցն ու Մովսես Խորենացին,
- այնտեղ է հաստատվել Մամիկոնյան նախարարական տոհմը,

այնտեղ է եղել արևմտահայ նորագույն ազատագրական պայքարի կենտրոնը: Վերը թվարկած պատմական իրողություններն պարզապես պատմական համընկնումներ չեն, այլ տարոնական ոգեղենության արտահայտություններ: Տարոնականության հիմնադրման անհրաժեշտությունը պայմանավորված էր նաև այն հանգամանքով, որ Ցեղակրոնությունը խորապես չէր հստակեցնում մի շարք առանցքային հարցեր, ինչպիսիք են արարչագործության և ոգու վերաբեյալ հարցերը: Միննույն ժամանակ Հայ առաքելական եկեղեցին Ցեղակրոնության նկատմամբ որոշակի բացասական վերաբերմունք ուներ և Հայկական սփյուռքում հանդիսանում էր բավականին ազդեցիկ ուժ: Այս հանգամանքը նույնպես խնդիրներ էր ստեղծում Ցեղակրոնության տարածման գործում: Տարոնականության հիմնադրման գործում առանցքային դեր ունեցավ Բուլղարիայի Ցեղակրոն կազմակերպությունը Գարեգին Նժդեհի, Հայկ Ասատրյանի և Ներսես Աստվածատուրյանի ղեկավարությամբ: 1937 թվականի փետրվարի 7-ից Պլովդիվում սկսում են հրատարակել «Ռազմիկ» թերթը, որի էջերում նույն թվականից սկսեցին տպագրվել Տարոնական շարժման մասին տեղեկություններ: Նոր ստեղծված շարժման հենարանը հանդիսացավ 1917 թվականին ԱՄՆ-ում հիմնադրված Տարոն-Տուրուբերանի հայրենակցական միությունը: Այն մեծ ազդեցություն ուներ Հայկական սփյուռքում և հայկական համայնքներում հանդիսանում էր Ցեղկարոն շարժման շարժիչը:

## **ԳԼՈՒԽ 2. Արժեհամակարգի ձևավորումը պատմության դասավանդման ընթացում**

Արժեհամակարգ հասկացությունը մանկավարժական գիտության մեջ ընկալվում է լայն իմաստով: Առավել ընդունված է այն տեսակետը, որ արժեհամակարգը մարդու բարոյական, գեղագիտական, հոգևոր, իմացական, մշակութային և էթնիկական արժեքների համախումբ է: Սովորողների արժեհամակարգի ձևավորման և նրա հարաբերական կայունության ապահովման համար հանրակրթության բնագավառում կարևոր և աքնփոխարինելի նշանակություն ունեն բոլոր ուսումնական առարկաները, բայց հատկապես անգնահատելի է հումանիտար առարկաների՝ պատմություն, հայոց լեզու և գրականություն առարկաների դերը: Իսկ ակտիվ ճանաչողական գործնության սովորողների մեջ ձևավորում է հայրենասիրություն, սեփական ժողովրդի պատմության, նրա ստեղծած մշակութային արժեքների, գիտական նվաճումների համար հպարտության զգացում: Արժեհամակարգի մեջ կուտակված է անցյալի փորձը, որի յուրացումը պայմաններում ձևավորված գիտելիքները սովորողների մոտ վերածվում են համոզմունքների և կարողությունների: Այսօր մատաղ սերնդի դաստիարակության գործընթացն ընթանում է տարբեր հանգամանքների ազդեցության ներքո, հաշվի առնելով այս հանգամանքները՝ ժամանակակից մանկավարժության համար խնդիր է դառնում սովորողների ազգային արժեհամակարգի ձևավորումը սեփական ժողովրդի պատմության և մշակույթի հենքի վրա:

1. Սովորողների արժեքների ձևավորման վրա ազդող գործոններից են ավանդական միջոցները: Այս առումով իրավացի է Մոնտենը, երբ ասում է, որ մենք որքան ասես կարող ենք պնդել մերը, սակայն համընդհանուր կանոնները մեզ քարշ են տալիս իրենց հետևից՝:

2. Սովորողների արժեքների ձևավորման վրա ազդող գործոններից են տարիքային գործոնը: Սովորողի վրա վրա կարող է ազդել տնօրենը, դասղեկը, առարկայական ուսուցիչները: Սովորողը նրանցից կարող է ստանալ արժեքների վերաբերյալ ինչպես դրական այնպես էլ բացասական կարծիք: Ուստի շատ կարևոր է ուսուցչի



բարոյական կերպարը:Սովորողների արժեքների ձևավորման վրա ազդում են ոչ միայն ընտանիքը, այլ նաև ուսումնական հաստատությունը: Ուսուցիչը հնարավորություն է ստանում առարկայական ծրագրերի ուսուցման միջոցով սովորողների մեջ սերմանել քաղաքական, իրավական, բարոյական, գեղագիտական վերաբերմունք և գիտելիք:

Սովորողների անձի արժեքների ձևավորման առումով հանրակրթության մեջ ուրույն նշանակություն ունի Հայոց պատմություն առարկան:Առարկան հնարավորություն է տալիս հարուստ և հազարամյակների պատմության յուրացման ընթացքում ձևավորել ազգային մտածողություն, պատմական հիշողություն, ազգասիրություն, լեզվի, մշակույթի, կրոնի, պետականության գաղափարի պահպանման կարևորությունը:

Արժեքների բուրգի գագաթին գտնվող նվիրական ու մեծագույն արժեքի՝ հայրենասիրության զգացումը դաստիարակելու համար Հայոց պատմություն առարկան բազմաթիվ հիանալի հնարավորություններ է տալիս:Ազգասիրությունը և հայրենասիրությունը այն մեծագույն արժեքն է, որ հարգանք և ակնաձանք է հարուցում, նույնիսկ երբ դրսևորվում է հակառակորդի կամ թշնամու մոտ:

Ուսուցման ընթացքում վերցնում են պատմական որևէ կերպար՝ նրա կյանքը, գործնեությունը, գաղափարները և դրանց հետևանքները՝ այս դեպքում Գ.Նժդեհինը:Ինքնուրույն լրացուցիչ նյութեր հավաքելու և հետազոտելու դեպքում, սովորողները տվյալ թեմայի վերաբերյալ կունենան ամբողջական գաղափար և պատկերացում:Հաջորդ մեթոդը, որը կօգնի դասավաճողման ընթացքում ցեղակրոնությունը ընդհանուր արժեհամակարգի ձևավորմանը պատմությունը դատարանի առջև մեթոդն է:Մա հիանալի միջոց է սովորողների ինքնուրույն կամ համագործակցային հետազոտական հմտությունների ու քննադատական մտածողության և արժեհամակարգը զարգացնելու:Հատկապես կիրառելի է ծավալուն թեմաների դեպքում:Այս դեպքում պատմության դատարանի առջև կանգնելու է Ցեղակրոնությունը:

1.Ներկայացնելու ենք այն բոլոր մեղադրանքները և թյուրըմբռումները, որոնք գոյություն ունեն:

2.Վիճակահանությամբ սովորողների մի մասը պետք է հանդես գան որպես պաշտպաններ, մյուսները՝ մեղադրողներ՝ իսկ երրորդը՝ դատավորներ:

3.Սովորողները թեմայի վերաբերյալ բերում են հստակ փաստարկներ:Սողորողներին նախապես հավելյալ նյութեր էին հանձնարարվել, որպեսզի մեղադրական կամ պաշտպանական տեքստերը ավելի հիմնավոր ներկայացնեն:Դատավորի դեր ստանձնած խմբի սովորողները պետք է համադրեն երկու կողմերի փաստարկները:Կարող ենք խնդրել փաստարկները և նշել, թե դրացից որն է ավելի հիմնավորված:

Դերային խաղի միջոցով ձեռք բերված գիտելիքը պահպանվում է երկար, այն գիտելիքների և հմտությունների ձեռք բերման հիանալի միջոց է, նպաստում է նաև միջանձնային հարաբերությունների ձևավորմանը:

## ԵԶՐԱԿԱՅՈՒԹՅՈՒՆ

Յուրաքանչյուր դասի ընթացքում ուսուցիչը որոշակի դաստիարակչական խնդիր է լուծում՝ հաշվի առնելով տվյալ առարկայի թեմայի հիմնական խնդիրները, որոնք ներկայացված են առարկայական ծրագրերում: Ուսուցիչը ուսուցման կազմակերպման ընթացքում՝ անհատական, խմբային, էքսկուրսիաներ, դասղեկական ժամեր, այս մեթոդները առավել արդյունավետ է դարձնում սովորողների արժեհամակարգի ձևավորումը:

Ելնելով վերոհիշյալից կարող ենք եզրակացնել, որ արժեքային համակարգի ձևավորումը ժամանակակից դպրոցի գերխնդիրն է և մշտապես պետք է լինի մանկավարժների ուշադրության կենտրոնում մատաղ սերնդի

դաստիարակության ընթացքում:

Մատաղ սերունդը լեռներից իջնող ահեղ հեղեղ է, որը կարող է և օրհնաբեր, և ավերիչ լինել:

Հետևաբար նրանցից է կախված կլինենք, թե չենք լինի:

## Գրականության ցանկ

- 1) **Գ.Նժդեհ** «Հատընտիր», Երևան «Հայաստան» հրատարակչություն, 2001թ :  
Ընդհանուր 403 էջ :
- 2) **Մ. Լալայան** Ցեղակրոն շարժումը (պատմություն և գաղափարախոսություն),  
հրատարակիչ՝ ՀՀԿ , ընդհանուր էջերի քանակ՝ 48:
- 3) «Գարեգին Նժդեհի ուսմունքը և նրա արդիականությունը» (հոդվածների  
ժողովածու), հրատարակիչ՝ ՀՀԿ , Երևան -2009, էջերի քանակ՝ 146:
- 4) Տարոնական շարժումը (պատմություն գաղափարախոսություն), հրատարակիչ՝  
ՀՀԿ , Երևան-2002թ, 27 էջ:
5. Սուխոմլինսկի Վ.Ա., Սիրտս նվիրում եմ երեխաներին, Երևան, 1975թ